



AN COIMISIÚN
EORPACH

An Bhruiséil, 20.7.2022
C(2022) 5342 final

TEACHTAIREACHT ÓN gCOIMISIÚN

**Leasú ar an gCreat Sealadach Géarchéime le haghaidh bearta státhabhrach chun tacú
leis an ngeilleagar tar éis ionsaí na Rúise i gcoinne na hÚcráine**

TEACHTAIREACHT ÓN gCOIMISIÚN

Leasú ar an gCreat Sealadach Géarchéime le haghaidh bearta státhabhrach chun tacú leis an ngeilleagar tar éis ionsaí na Rúise i gcoinne na hÚcráine

1. RÉAMHRÁ

1. An 23 Márta 2022 ghlac an Coimisiún an Creat Sealadach Géarchéime.
2. Féachann an Creat Sealadach Géarchéime le caoi a thabhairt do na Ballstáit an ganntanas leachtachta a réiteach a bhfuil na gnóthais sin ag dul i ngleic leis a bhfuil tionchar díreach nó indíreach ag suaitheadh tromchúiseach an gheilleagair orthu, suaitheadh arb é is cúis leis ionsaí míleata na Rúise ar an Úcráin, na bearta sriantacha (smachtbhannaí) arna bhforchur ag an Aontas nó ag a chomhpháirtithe idirnáisiúnta agus na frithbhearta eacnamaíocha arna ndéanamh ag an Rúis, mar shampla.
3. Measann an Coimisiún gur gá na bearta a leagtar amach sa Chreat Sealadach Géarchéime a choigeartú i bhfianaise an ionsaithe mhíleata fhadtréimhsigh ag an Rúis agus na héifeachtaí géaraitheacha díreacha agus indíreacha ar gheilleagar an Aontais ar an iomlán agus ar gheilleagair na mBallstát uile.
4. Chuaigh an Coimisiún i gcomhairle leis na Ballstáit maidir lena gcuid tuairimí i leith riachtanais shonracha ar gá aghaidh a thabhairt orthu i bhfianaise an séú pacáiste smachtbhannaí¹, na n-iarrachtaí chun an spleáchas ar ola na Rúise a laghdú agus chuspóirí an phlean REPowerEU².

¹ Rialachán Cur Chun Feidhme (AE) 2022/876 ón gComhairle an 3 Meitheamh 2022 lena gcuirtear chun feidhme Airteagal 8a(1) de Rialachán (CE) Uimh. 765/2006 a bhaineann le bearta sriantacha i bhfianaise na staide sa Bhealarúis agus rannpháirtíocht na Bealarúise san fhogha arna thabhairt ag an Rúis faoin Úcráin, IO L 153, 3.6.2022, lch. 1; Rialachán (AE) 2022/877 ón gComhairle an 3 Meitheamh 2022 lena leasaítear Rialachán (CE) Uimh. 765/2006 a bhaineann le bearta sriantacha i bhfianaise na staide sa Bhealarúis agus rannpháirtíocht na Bealarúise san fhogha arna thabhairt ag an Rúis faoin Úcráin, IO L 153, 3.6.2022, lch. 11; Rialachán Cur Chun Feidhme (AE) 2022/878 ón gComhairle an 3 Meitheamh 2022 lena gcuirtear chun feidhme Rialachán (AE) Uimh. 269/2014 a bhaineann le bearta sriantacha i ndáil le gníomhaíochtaí lena mbaintear an bonn d'iomláine chríochach, de cheannasacht agus de neamhspleáchas na hÚcráine nó ar bagairt iad na gníomhaíochtaí sin ar an méid sin, IO L 153, 3.6.2022, lch. 15; Rialachán (AE) 2022/879 ón gComhairle an 3 Meitheamh 2022 lena leasaítear Rialachán (AE) Uimh. 833/2014 a bhaineann le bearta sriantacha i bhfianaise ghníomhaíochtaí na Rúise i ndíchobhsú staid na hÚcráine, IO L 153, 3.6.2022, lch. 53; Rialachán (AE) 2022/880 ón gComhairle an 3 Meitheamh 2022 lena leasaítear Rialachán (AE) Uimh. 269/2014 a bhaineann le bearta sriantacha i ndáil le gníomhaíochtaí lena mbaintear an bonn d'iomláine chríochach, de cheannasacht agus de neamhspleáchas na hÚcráine nó ar bagairt iad na gníomhaíochtaí sin ar an méid sin, IO L 153, 3.6.2022, lch. 75; Cinneadh Cur Chun Feidhme (CBES) 2022/881 ón gComhairle an 3 Meitheamh 2022 lena gcuirtear chun feidhme Cinneadh 2012/642/CBES a bhaineann le bearta sriantacha i bhfianaise na staide sa Bhealarúis agus rannpháirtíocht na Bealarúise san fhogha arna thabhairt ag an Rúis faoin Úcráin, IO L 153, 3.6.2022, lch. 77; Cinneadh (CBES) 2022/882 ón gComhairle an 3 Meitheamh 2022 lena leasaítear Cinneadh 2012/642/CBES a bhaineann le bearta sriantacha i bhfianaise na staide sa Bhealarúis agus rannpháirtíocht na Bealarúise san fhogha arna thabhairt ag an Rúis faoin Úcráin, IO L 153, 3.6.2022, lch. 88; Cinneadh (CBES) 2022/883 ón gComhairle an 3 Meitheamh 2022 lena leasaítear Cinneadh 2014/145/CBES a bhaineann le bearta sriantacha i ndáil le gníomhaíochtaí lena mbaintear an bonn d'iomláine chríochach, de cheannasacht agus de neamhspleáchas na hÚcráine nó ar bagairt iad na gníomhaíochtaí sin ar an méid sin, IO L 153, 3.6.2022, lch. 92; Cinneadh (CBES) 2022/884 ón gComhairle an 3 Meitheamh 2022 lena leasaítear Cinneadh 2014/512/CBES a bhaineann le bearta sriantacha i bhfianaise ghníomhaíochtaí na Rúise i ndíchobhsú staid na hÚcráine, IO L 153, 3.6.2022, lch. 128; Cinneadh

5. I dtosach, measann an Coimisiún gur cheart na huasmhéideanna cabhrach faoi roinn 2.1 den Chreat Sealadach Géarchéime a mhéadú chun freastal ar an suaitheadh eacnamaíoch leanúnach agus ar na héifeachtaí maicreacnamaíocha géaraitheacha a bhaineann le méaduithe fadtréimhseacha breise ar chostais fuinnimh, le ganntanas soláthair gáis ag dul in olcas agus le héiginnteacht faoina infhaighteacht amach anseo, chomh maith le héifeachtaí díreacha agus indíreacha na smachtbhannaí breise arna nglacadh ag an Aontas nó ag a chomhpháirtithe idirnáisiúnta.
6. Ar an dara dul síos, measann an Coimisiún gur gá coigeartuithe áirithe a dhéanamh i roinn 2.4 den Chreat Sealadach Géarchéime chun feabhas a chur ar a chur chun feidhme éifeachtach. Thairis sin, measann an Coimisiún gur cheart tacaíocht a dheonaítear faoin roinn sin a theorannú chun go seachnófaí dreasachtaí chun úsáid leictreachais agus gáis a mhéadú, rud a chuirfeadh leis an nganntanas gáis atá ann faoi láthair.
7. Ar an tríú dul síos, measann an Coimisiún go bhféadfadh sé gur ghá do na Ballstáit bearta breise a dhéanamh i gcomhréir leis an bPlean REPowerEU chun na hinfheistíochtaí i bhfoinsí in-athnuaite (grianfhuinneamh, fuinneamh gaoithe agus fuinneamh geoteirmeach), bithghás agus bithmheatán ó dhramhaíl agus iarmhair orgánacha, hidrigin in-athnuaite, stóráil agus teas in-athnuaite a bhrostú nó a éascú.
8. Ar an gceathrú dul síos, measann an Coimisiún go bhféadfadh sé gur gá do na Ballstáit bearta breise a dhéanamh chun dlús a chur le héagsúlú soláthairtí fuinnimh agus chun an spleáchas ar bhreosla iontaise allmhairithe a laghdú trí thacú le bearta dícharbonúcháin.
9. I bhfianaise an mhéid thuas, measann an Coimisiún, lasmuigh de bhearta cabhrach a cheadaítear faoi Airteagal 107(3)(b) CFAE agus na féidearthachtaí atá ann cheana faoi Airteagal 107(3)(c) CFAE, gur fíor-riachtanach é dlús a chur le leathadh amach fuinnimh in-athnuaite, stórála agus teasa in-athnuaite chun an Plean REPowerEU a chur chun feidhme agus chun próisis táirgthe thionsclaíocha a dhícharbónú trí leictriúchán agus/nó úsáid hidrigine in-athnuaite agus cineálacha éagsúla hidrigine leictrealaíche agus beart éifeachtúlachta fuinnimh. Dá bhrí sin, leagtar síos leis an Teachtaireacht seo na coinníollacha faoina measfaidh sé na bearta sin a bheith comhoiriúnach leis an margadh inmheánach faoi Airteagal 107(3)(c) CFAE. Chuige sin, tabharfar dhá roinn nua (Ranna 2.5 agus 2.6) isteach sa Chreat Sealadach Géarchéime.
10. Lasmuigh de na leasuithe atá beartaithe, meabhraíonn an Coimisiún gur féidir leis na Ballstáit cabhair a dheonú chun riachtanais leachtachta gnóthais a dhéanann an ghéarchéim reatha difear dóibh a chumhdach faoi ranna 2.1, 2.2 agus 2.3 atá ann faoi láthair sa Chreat Sealadach Géarchéime. Féadfar tacú le costais infheistíochta, amhail trealamh monaraíochta nó ábhair is gá chun cuspóirí REPowerEU a chur chun feidhme le hiasachtaí fóirdheonaithe nó le ráthaíochtaí faoi ranna 2.2 agus 2.3 den Chreat Sealadach Géarchéime.

(CBES) 2022/885 ón gComhairle an 3 Meitheamh 2022 lena leasaítear Cinneadh 2014/145/CBES a bhaineann le bearta sriantacha i ndáil le gníomhaíochtaí lena mbaintear an bonn d'iomláine chríochach, de cheannasacht agus de neamhspleáchas na hÚcráine nó ar bagairt iad na gníomhaíochtaí sin ar an méid sin, IO L 153, 3.6.2022, lch. 139.

² COM/2022/230 final, 18.5.2022.

2. LEASUITHE AR AN gCREAT SEALADACH GÉARCHÉIME

11. Cuirfidh an Coimisiún na leasuithe seo a leanas i bhfeidhm ar an gCreat Sealadach Géarchéime ón 20 Iúil 2022 ar aghaidh.

12. Tugtar Pointe 14bis isteach:

‘14bis. An 3 Meitheamh 2022, ghlac an Comhairle an séú pacáiste smachtbhannaí*, i bhfianaise an chogaidh fhoghaigh leanúnaigh atá an Rúis a chur ar an Úcráin, thacaíocht na Bealarúise dó, agus na n-ainghníomhartha a thuairiscítear a bheith déanta ag fórsaí armtha na Rúise. Áirítear sa phacáiste: 1) toirmeasc ar allmhairiúcháin amhola agus táirgí peitríliam scagtha ón Rúis, agus eisceachtaí teoranta ann; 2) toirmeasc SWIFT ar thrí bhanc eile de chuid na Rúise agus ar bhanc amháin de chuid na Bealarúise; agus 3) cur ar fionraí craoladh san Aontas ag trí eagraíocht eile atá faoi úinéireacht Stáit na Rúise. Ghlac an tAontas smachtbhannaí in aghaidh 65 duine aonair agus 18 n-eintiteas bhreise freisin. Áirítear orthu daoine aonair atá freagrach as na hainghníomhartha a rinneadh in Bucha agus in Mariupol.

*Rialachán Cur Chun Feidhme (AE) 2022/876 ón gComhairle an 3 Meitheamh 2022 lena gcuirtear chun feidhme Airteagal 8a(1) de Rialachán (CE) Uimh. 765/2006 a bhaineann le bearta sriantacha i bhfianaise na staide sa Bhealarúis agus rannpháirtíocht na Bealarúise san fhogha arna thabhairt ag an Rúis faoin Úcráin, IO L 153, 3.6.2022, lch. 1; Rialachán (AE) 2022/877 ón gComhairle an 3 Meitheamh 2022 lena leasaítear Rialachán (CE) Uimh. 765/2006 a bhaineann le bearta sriantacha i bhfianaise na staide sa Bhealarúis agus rannpháirtíocht na Bealarúise san fhogha arna thabhairt ag an Rúis faoin Úcráin, IO L 153, 3.6.2022, lch. 11; Rialachán Cur Chun Feidhme (AE) 2022/878 ón gComhairle an 3 Meitheamh 2022 lena gcuirtear chun feidhme Rialachán (AE) Uimh. 269/2014 a bhaineann le bearta sriantacha i ndáil le gníomhaíochtaí lena mbaintear an bonn d’iomláine chríochach, de cheannasacht agus de neamhspleáchas na hÚcráine nó ar bagairt iad na gníomhaíochtaí sin ar an méid sin, IO L 153, 3.6.2022, lch. 15; Rialachán (AE) 2022/879 ón gComhairle an 3 Meitheamh 2022 lena leasaítear Rialachán (AE) Uimh. 833/2014 a bhaineann le bearta sriantacha i bhfianaise ghníomhaíochtaí na Rúise i ndíobhsú staid na hÚcráine, IO L 153, 3.6.2022, lch. 53; Rialachán (AE) 2022/880 ón gComhairle an 3 Meitheamh 2022 lena leasaítear Rialachán (AE) Uimh. 269/2014 a bhaineann le bearta sriantacha i ndáil le gníomhaíochtaí lena mbaintear an bonn d’iomláine chríochach, de cheannasacht agus de neamhspleáchas na hÚcráine nó ar bagairt iad na gníomhaíochtaí sin ar an méid sin, IO L 153, 3.6.2022, lch. 75; Cinneadh Cur Chun Feidhme (CBES) 2022/881 ón gComhairle an 3 Meitheamh 2022 lena gcuirtear chun feidhme Cinneadh 2012/642/CBES a bhaineann le bearta sriantacha i bhfianaise na staide sa Bhealarúis agus rannpháirtíocht na Bealarúise san fhogha arna thabhairt ag an Rúis faoin Úcráin, IO L 153, 3.6.2022, lch. 77; Cinneadh (CBES) 2022/882 ón gComhairle an 3 Meitheamh 2022 lena leasaítear Cinneadh 2012/642/CBES a bhaineann le bearta sriantacha i bhfianaise na staide sa Bhealarúis agus rannpháirtíocht na Bealarúise san fhogha arna thabhairt ag an Rúis faoin Úcráin, IO L 153, 3.6.2022, lch. 88; Cinneadh (CBES) 2022/883 ón gComhairle an 3 Meitheamh 2022 lena leasaítear Cinneadh 2014/145/CBES a bhaineann le bearta sriantacha i ndáil le gníomhaíochtaí lena mbaintear an bonn d’iomláine chríochach, de cheannasacht agus de neamhspleáchas na hÚcráine nó ar bagairt iad na gníomhaíochtaí sin ar an méid sin, IO L 153, 3.6.2022, lch. 92; Cinneadh (CBES) 2022/884 ón gComhairle an 3 Meitheamh 2022 lena leasaítear Cinneadh 2014/512/CBES a bhaineann le bearta sriantacha i bhfianaise ghníomhaíochtaí na Rúise i ndíobhsú staid na hÚcráine, IO L 153, 3.6.2022, lch. 128; Cinneadh (CBES) 2022/885 ón gComhairle an 3 Meitheamh 2022 lena leasaítear Cinneadh 2014/145/CBES a bhaineann le bearta sriantacha i ndáil le gníomhaíochtaí lena mbaintear an bonn d’iomláine chríochach, de cheannasacht agus de neamhspleáchas na hÚcráine nó ar bagairt iad na gníomhaíochtaí sin ar an méid sin, IO L 153, 3.6.2022, lch. 139.’

13. Cuirtear an méid seo a leanas in ionad Phointe 19:

‘19. Tá treoir bhreise ar fáil i dTeachtaireacht REPowerEU agus tugtar tuairisc inti ar ghníomhaíochtaí nua chun táirgeadh fuinnimh ghlais a mhéadú, chun soláthairtí a éagsúlú agus chun an t-éileamh a laghdú, lena n-áirítear bearta ullmhúcháin le

haghaidh gheimhridh 2022-2023. Áirítear sa phlean REPowerEU* bearta chun spleáchas an Aontais ar bhreoslaí iontaise de chuid na Rúise a laghdú trí dhlús a chur leis an aistriú glas, infheistíocht a dhéanamh san éifeachtúlacht fuinnimh agus soláthairtí fuinnimh a éagsúlú. Má chuirtear dlús leis an aistriú glas, laghdófar astaíochtaí, laghdófar an spleáchas ar bhreoslaí iontaise allmhairithe agus tabharfar cosaint ar arduithe ar phraghsanna. Léirítear le praghsanna arda fuinnimh freisin an ganntanas soláthairtí sa ghearrthéarma, ganntanas a théann i bhfeidhm ar an leibhéal praghsanna ginearálta. Dá bhrí sin, sa ghearrthéarma, d'fhéadfadh sé go mbeadh gá le tacaíocht shealadach chun cuidiú le gnóthais a mbeadh iarmhairtí gearrthéarmacha an-tromchúiseacha ag an ngéarchéim atá ann faoi láthair orthu.

*COM/2022/230 final, 18.5.2022.'

14. Tugtar isteach an pointe 25bis seo a leanas:

'25bis. Damáiste arna dhéanamh go díreach de dheasca laghduithe sainordaitheacha ar thomhaltas gáis nádúrtha a bhféadfadh sé gur ghá do na Ballstáit iad a chur i bhfeidhm, féadfar é a mheas faoi Airteagal 107(2)(b) CFAE, ar choinníoll nach ndéanfar róchúiteamh.

15. Cuirtear na pointí 26bis, 26ter, 26quater agus 26quinquies seo a leanas isteach:

26bis. Le laghduithe ar sholáthairtí gáis isteach san Aontais, d'fhéadfadh sé go mbeadh gá freisin le dreasachtaí a chur ar fáil chun an t-éileamh ar ghás nádúrtha a laghdú go deonach. I gcás ina mbeartóidh na Ballstáit dreasachtaí a thabhairt isteach maidir le laghduithe deonacha ar an éileamh ar ghás nádúrtha i gcomhthéacs na géarchéime atá ann faoi láthair, déanfaidh an Coimisiún measúnú ar na bearta sin go díreach faoi Airteagal 107(3)(b) CFAE. Cé go mbeidh gá le measúnú de réir an cháis chuige sin, measann an Coimisiún go bhfuil na gnéithe seo a leanas ábhartha go háirithe:

- a. úsáid phróisis iomaíoch bunaithe ar chritéir thrédhearcacha chun conradh a dhéanamh maidir le méideanna le haghaidh laghdú deonach ar éileamh;
- b. an easpa srianta foirmiúla ar thrádáil nó sreabha trasteorann;
- c. teorannú na ndreasachtaí lena mbaineann go laghduithe ar éileamh amach anseo a théann thar na dreasachtaí sin a dtabharfadh an tairbhí fúthu gan beann ar an mbeart;
- d. laghdú láithreach ar an éileamh gáis comhiomlán deiridh sa Bhallstát lena mbaineann agus seachaint athraithe ar an éileamh ar ghás nádúrtha amháin.

26ter. Féadfaidh na Ballstáit breithniú a dhéanamh freisin ar bhearta chun líonadh saoráidí stórála gáis a dhreasú sa mhéid nach dtugann an margadh dreasachtaí sin a dhéanamh le haghaidh an gheimhridh atá le teacht. I gcás ina mbeartóidh na Ballstáit dreasachtaí a dheonú maidir le saoráidí stórála gáis a líonadh i gcomhthéacs na géarchéime atá ann faoi láthair, déanfaidh an Coimisiún measúnú ar na dreasachtaí sin go díreach faoi Airteagal 107(3)(b) CFAE*. Cé go mbeidh gá le measúnú de réir an cháis chuige sin, measann an Coimisiún go bhfuil na gnéithe seo a leanas ábhartha go háirithe:

- a. úsáid phróisis iomaíoch bunaithe ar chritéir thrédhearcacha chun an chabhair a íoslaghdú;
- b. an easpa srianta ar thrádáil nó sreabha trasteorann;
- c. coimircí a bheith ann chun an róchúiteamh a sheachaint;
- d. comhlíonadh na n-oibleagáidí agus na gcoinníollacha maidir le saoráidí stórála gáis a líonadh agus an líonadh sin a dhreasú, oibleagáidí agus coinníollacha a leagtar amach in Airteagal 6a go hAirteagal 6d de Rialachán (AE) 2017/1938**, go háirithe na coinníollacha maidir le bearta tacaíochta a leagtar amach in Airteagal 6b, míreanna (2) agus (3).

*Féach Cinneadh SA.103012 (2022/NN) ón gCoimisiún - Beart dreasachta chun gás nádúrtha a stóráil i saoráid stórála Bergermeer le haghaidh na chéad tréimhse téimh eile.

**Arna leasú le Rialachán (AE) 2022/1032 ó Pharlaimint na hEorpa agus ón gComhairle an 29 Meitheamh 2022, IO L 173, 30.6.2022, lch. 17.

26quater. Ar bhonn cás ar chás measfaidh an Coimisiún cabhair riachtanach, chomhréireach agus iomchuí fhéideartha, i gcomhréir leis an Teachtaireacht ón gCoimisiún dar teideal *Save gas for a safe winter* [Spáráil gás le haghaidh geimhreadh sábháilte]* agus i gcomhréir leis na pleananna éigeandála náisiúnta um shlándáil an tsoláthair gáis, chun saoráidí a athchóiriú a rannchuideoidh le breosla carbóin eile níos truailithe a chur in ionad gáis, roimh an gcéad gheimhreadh eile agus go ceann tréimhse theoranta ama. Ba cheart an cion astaíochtaí is ísle is féidir a bheith ag aon bhreosla carbóin malartacha eile den chineál sin, agus ní mór an chabhair a bheith faoi réir iarrachtaí éifeachtúlachta fuinnimh agus éifeachtaí glasála fadtéarmacha i ndiaidh na géarchéime a sheachaint, i gcomhréir le cuspóirí aeráide an Aontais. Féadfar na bearta sin a dhíriú ar an tomhaltas gáis a laghdú ar bhonn réamhghabhálach nó ar fhreagairt do laghduithe sainordaitheacha ar an éileamh ar ghás nádúrtha, seachas má dhéantar cúiteamh ar bhealach eile.

*COM(2022) 360/2, 20.7.2022.

26quinquies. I bhfianaise na ndúshlán atá ann maidir le hearraí a iompar go dtí an Úcráin agus uaithi, ar bhonn cás ar chás measfaidh an Coimisiún cabhair fhéideartha le haghaidh árachas nó athárachas maidir le hiompar earraí go dtí an Úcráin agus uaithi. I measc nithe eile, beidh ar na Ballstáit a léiriú nach bhfuil an t-árachas nó an t-athárachas ar fáil ar chor ar bith nó go bhfuil sé ar fáil ag rátaí atá i bhfad níos airde ná mar a bhí roimh ionradh na Rúise ar an Úcráin.'

16. Cuirtear an méid seo a leanas in ionad Phointe 41(a):

‘a. Ní sháróidh an chabhair fhoriomlán EUR 500 000 in aghaidh an ghnóthais ag tráth ar bith.* Féadfar an chabhair a dheonú i bhfoirm deontais dhíreacha, buntáistí cánach agus íocaíochta nó foirmeacha eile amhail airleacain inaisíochta, ráthaíochtaí**, iasachtaí*** agus cothromas ar choinníoll nach sáraíonn luach ainmniúil iomlán na mbeart sin an uasteorann foriomlán EUR 500 000 in aghaidh an ghnóthais; is figiúirí comhlána a bheidh sna figiúirí ar fad a úsáidfear, is é sin, roimh aon asbhaint chánach nó táille eile.

*Cabhair a dheonaítear ar bhonn scéimeanna arna bhformheas faoin roinn seo agus a aisíocadh roimh chabhair nua a dheonú faoin roinn seo, ní chuirfear san áireamh í nuair a chinntear ar sáraíodh an uasteorainn lena mbaineann.

**Nuair a dheonaítear cabhair i bhfoirm ráthaíochtaí faoin roinn seo, beidh feidhm ag na coinníollacha breise i bpointe 47(h).

***Nuair a dheonaítear cabhair i bhfoirm iasachtaí faoin roinn seo, beidh feidhm ag na coinníollacha breise i bpointe 50(g).’

17. Cuirtear an méid seo a leanas in ionad Phointe 42(a):

‘a. nach sáróidh an chabhair fhoriomlán ag tráth ar bith EUR 62 000 in aghaidh an ghnóthais atá gníomhach i dtáirgeadh príomhúil táirgí talmhaíochta agus EUR 75 000 in aghaidh an ghnóthais atá gníomhach in earnáil an iascaigh agus earnáil an dobharshaothraithe; *féadfar an chabhair a dheonú i bhfoirm deontais dhíreacha, buntáistí cánach agus íocaíochta nó foirmeacha eile amhail airleacain inaisíochta, ráthaíochtaí**, iasachtaí*** agus cothromas ar choinníoll nach sáraíonn luach ainmniúil iomlán na mbeart sin an uasteorann foriomlán ábhartha EUR 62 000 nó EUR 75 000 in aghaidh an ghnóthais; is figiúirí comhlána a bheidh sna figiúirí ar fad a úsáidfear, is é sin, roimh aon asbhaint chánach nó táille eile;

*Cabhair a dheonaítear ar bhonn scéimeanna arna bhformheas faoin roinn seo agus a aisíocadh sula ndeonaítear cabhair nua faoin roinn seo, ní ceart í a chur san áireamh nuair a chinntear ar sáraíodh an uasteorainn lena mbaineann.

**Nuair a dheonaítear cabhair i bhfoirm ráthaíochtaí faoin roinn seo, beidh feidhm ag na coinníollacha breise i bpointe 47(h).

***Nuair a dheonaítear cabhair i bhfoirm iasachtaí faoin roinn seo, beidh feidhm ag na coinníollacha breise i bpointe 50(g).’

18. Cuirtear an méid seo a leanas in ionad Phointe 43:

‘I gcás ina bhfuil gnóthas gníomhach i roinnt earnálacha a bhfuil feidhm ag uasmhéideanna éagsúla maidir leo i gcomhréir leis na pointí 41(a) agus 42(a), ní mór don Bhallstát lena mbaineann a áirithiú, ar bhealach iomchuí, amhail deighilt cuntas, go n-urramófar an uasteorainn ábhartha do gach ceann de na gníomhaíochtaí sin agus nach sárófar an t-uasmhéid foriomlán EUR 500 000 in aghaidh an ghnóthais. I gcás ina bhfuil gnóthas gníomhach sna hearnálacha a chumhdaítear le pointe 42(a), agus sna hearnálacha sin amháin, níor cheart an t-uasmhéid foriomlán EUR 75 000 in aghaidh an ghnóthais a shárú.’

19. Cuirtear an fonóta seo a leanas isteach i bpointe 45:

‘*Chun críoch na roinne seo, cumhdaítear leis an téarma ‘ráthaíochtaí poiblí maidir le hiasachtaí’ freisin ráthaíochtaí ar tháirgí fachtóireachta áirithe, eadhon ráthaíochtaí ar iontaoibh agus maoiniú slabhra soláthair faoina bhféadfaidh an fachtóir dul i muinín chustaiméir na cuideachta fachtóireachta. Ní mór táirgí maoinithe slabhra soláthair incháilithe a bheith teoranta do tháirgí nach n-úsáidtear ach i ndiaidh don díoltóir a chuid féin den idirbheart a chur i gcrích, *i.e.* tar éis dó an táirgí nó an tseirbhís a sholáthar. Cumhdaítear léasú airgeadais leis an téarma ‘ráthaíochtaí poiblí maidir le hiasachtaí’ freisin.’

20. Cuirtear an fonóta seo a leanas isteach i bpointe 47(e), litir (i):

‘*Nuair is fiontair nuachruthaithe nach bhfuil trí chuntas bhliantúla dúnta acu iad tairbhíthe an bhirt, déanfar an t-uasteorainn is infheidhme dá bhforáiltear i bpointe 47(e)(i) a ríomh bunaithe ar an méid ama a bhfuil ann don ghnóthas tráth a dhéanann an gnóthas an t-iarratas ar chabhair.’

21. Cuirtear an fonóta seo a leanas isteach i bpointe 47(e), litir (ii):

‘*Nuair is fiontair nuachruthaithe nach bhfuil taifid acu le haghaidh iomlán an 12 mhí roimhe sin iad tairbhíthe an bhirt, déanfar an t-uasteorainn is infheidhme dá bhforáiltear i bpointe 47(e)(ii) a ríomh bunaithe ar an méid ama a bhfuil ann don ghnóthas tráth a dhéanann an gnóthas an t-iarratas ar chabhair.’

22. I bpointe 49, cuirtear ‘pointe 47(e)’ in ionad na tagartha do phointe 47(d).

23. Cuirtear an fonóta seo a leanas isteach i bpointe 50(b):

‘*Má chuirtear tréimhse cairde i bhfeidhm le haghaidh íocaíochtaí úis, ní mór na híosrátaí úis a leagtar amach i bpointe 50(b) a chomhlíonadh agus ní mór úis a fhabhrú ó chéad lá na tréimhse cairde agus ní mór é iad a chaipitliú go bliantúil ar a laghad. Beidh fad na gconarthaí iasachta teoranta go fóill d’uasmhéid 6 bliana ón tráth a dheonaítear an iasacht, seachas má dhéantar modhnú i gcomhréir le pointe 50(c) agus ní shárófar méid foriomlán na n-iasachtaí in aghaidh an tairbhí dá dtagraítear i bpointe 50(e).’

24. Cuirtear an méid seo a leanas in ionad an naisc i bhfonóta 48:

[‘https://ec.europa.eu/competition-policy/state-aid/legislation/reference-discount-rates-and-recovery-interest-rates_en’](https://ec.europa.eu/competition-policy/state-aid/legislation/reference-discount-rates-and-recovery-interest-rates_en)

25. Cuirtear an fonóta seo a leanas isteach i bpointe 50(c):

‘*Féach an achoimre ar an gcásdlí maidir le modhnú faoi phointe 50(c) a fhoilsítear ar shuíomh gréasáin DG na hÍomaíochta ag https://ec.europa.eu/competition-policy/state-aid/ukraine_en.’

26. Cuirtear an fonóta seo a leanas isteach i bpointe 50(e), litir (i):

‘*Nuair is fiontair nuachruthaithe nach bhfuil trí chuntas bhliantúla dúnta acu iad tairbhíthe an bhirt, déanfar an t-uasteorainn is infheidhme dá bhforáiltear i bpointe 50(e)(i) a ríomh bunaithe ar an méid ama a bhfuil ann don ghnóthas tráth a dhéanann an gnóthas an t-iarratas ar chabhair.’

27. Cuirtear an fonóta seo a leanas isteach i bpointe 50(e), litir (ii):

‘*Nuair is fiontair nuachruthaithe nach bhfuil taifid acu le haghaidh iomlán an 12 mhí roimhe sin iad tairbhíthe an bhirt, déanfar an t-uasteorainn is infheidhme dá bhforáiltear i bpointe 50(e)(ii) a ríomh bunaithe ar an méid ama a bhfuil ann don ghnóthas tráth a dhéanann an gnóthas an t-iarratas ar chabhair.’

28. Cuirtear an méid seo a leanas in ionad Phointe 50(e), litir (iii):

‘(iii) ar bhonn bonn cirt iomchuí a dhéanfaidh na Ballstát a sholáthar don Choimisiún (i dtaca leis na dúshláin atá roimh an tairbhí le linn na géarchéime atá ann faoi láthair, mar shampla)*, féadfar méid na hiasachta a mhéadú chun na

riachtanais leachtachta a chumhdach ón tráth a dheonaítear í le haghaidh na 12 mhí atá le teacht le haghaidh FBManna** agus le haghaidh na 6 mhí atá le teacht le haghaidh fiontair mhóra. I gcás gur gá d'fhiontair mhóra ráthaíochtaí airgeadais a sholáthar le haghaidh gníomhaíochtaí trádála ar mhargaí fuinnimh, féadfar méid na hiasachta a mhéadú chun na riachtanais leachtachta a thagann chun cinn ó na gníomhaíochtaí sin a chumhdach le haghaidh an 12 mhí atá le teacht. Na riachtanais leachtachta a chumhdaítear cheana féin le bearta cabhrach faoin gCreat Sealadach maidir le COVID-19, ní fhéadfar iad a chumhdach faoin Teachtaireacht seo. Ba cheart na riachtanais leachtachta a bhunú trí fhéindeimhniúchán an tairbhí***;

*D'fhéadfadh baint a bheith ag an mbonn cirt ábhartha le tairbhíthe atá gníomhach in earnálacha a bhfuil tionchar ar leith ag éifeachtaí díreacha nó indíreacha ionsaí na Rúise orthu, lena n-áirítear bearta sriantacha eacnamaíocha arna ndéanamh ag an Aontas agus ag a chomhpháirtithe idirnáisiúnta, chomh maith le frithbhearta arna ndéanamh ag an Rúis. Féadfar a áireamh leis na héifeachtaí sin suaití ar shlabhraí soláthair nó íocaíochtaí atá gan íoc ón Rúis nó ón Úcráin, luaineacht mhéadaithe praghsanna ar mhargaí fuinnimh agus riachtanais chomhthaobhachta ghaolmhara, rioscaí méadaithe cibear-ionsaithe nó ardú ar phraghsanna i gcás ionchuir shonracha nó amhábhair shonracha a bhfuil tionchar ag an ngéarchéim atá ann faoi láthair orthu.

**Mar a shainmhínítear in Iarscríbhinn I a ghabhann le Rialachán Ginearálta na Blocdhíolúine.

***Féadfar caipiteal oibre agus costais infheistíochta araon a áireamh sa phlean leachtachta.'

29. Cuirtear an méid seo a leanas in ionad Phointe 51:

'51. Lasmuigh de na féidearthachtaí atá ann cheana atá ar fáil i gcomhréir le hAirteagal 107(3)(c) CFAE agus na féidearthachtaí a leagtar amach sa Teachtaireacht seo, d'fhéadfadh tacaíocht shealadach méaduithe thar a bheith tromchúiseach ar phraghas an gháis nádúrtha agus an leictreachais a mhaolú, ar méaduithe iad nach mbeadh gnóthais in ann a chur ar aghaidh ná a oiriúnú dóibh sa ghearrthéarma. D'fhéadfadh sé sin na hiarmhairtí a mhaolú do ghnóthais agus cuidiú leo déileáil leis na méaduithe móra ar chostais atá ann mar thoradh ar an ngéarchéim atá ann faoi láthair. I bhfianaise tuilleadh laghduithe ar sholáthairtí gáis, ar an taobh eile tá sé tábhachtach dreasachtaí le haghaidh laghduithe ar éileamh a choinneáil ar bun agus gnóthais a ullmhú de réir a chéile chun athrú i dtreo an tomhaltas gáis a laghdú. D'fhéadfadh gá a bheith ann go fóill le tacaíocht bhreise chun gníomhaíocht leanúnach gnóthas dianfhuinnimh a chumasú.'

30. Cuirtear an méid seo a leanas in ionad Phointe 52:

'52. Measfaidh an Coimisiún an Státchabhair sin a bheith comhoiriúnach leis an margadh inmheánach ar bhonn Airteagal 107(3)(b) CFAE, ar choinníoll go gcomhlíonfar na coinníollacha seo a leanas:

a. Deonófar an chabhair tráth nach déanaí ná an 31 Nollaig 2022;*

b. Féadfar an chabhair a dheonú i bhfoirm deontais dhíreacha, buntáistí cánach** agus íocaíochta nó foirmeacha eile amhail airleacain inaisíochta, ráthaíochtaí***, iasachtaí**** agus cothromas ar choinníoll nach mó luach

ainmniúil iomlán na mbeart sin ná an déine cabhrach agus na huasteorainneacha cabhrach is infheidhme. Is figiúirí comhlána a bheidh sna figiúirí ar fad a úsáidfear, is é sin, roimh aon asbhaint chánach nó táille eile;

- c. Maidir le cabhair arna deonú i bhfoirm airleacain inaisíoctha, ráthaíochtaí, iasachtaí nó ionstraimí in-aisíoctha eile, féadfar í a chomhshó i gcineálacha eile cabhrach amhail deontais, ar choinníoll go ndéanfar an comhshó faoin 30 Meitheamh 2023 ar a dhéanaí;
- d. Deonaítear an chabhair ar bhonn scéime a bhfuil buiséad measta aici. Féadfaidh na Ballstáit an chabhair a theorannú do ghníomhaíochtaí a thacaíonn le réimsí eacnamaíocha sonracha a bhfuil tábhacht ar leith ag baint leo don gheilleagar nó do shláine agus athléimneacht an mhargaidh inmheánaigh. Mar sin féin, ní mór na teorainneacha sin a cheapadh go ginearálta agus ní bheidh teorannú saorga ar thairbhíthe féideartha mar thoradh orthu;
- e. Chun críocha na roinne seo, déantar na costais incháilithe a ríomh bunaithe ar an méadú ar chostais gáis nádúrtha agus leictreachais a bhaineann le hionsaí na Rúise ar an Úcráin. Is ionann an uaschostas incháilithe agus toradh an lín aonad gáis nádúrtha agus leictreachais a fhaigheann an tairbhí***** ó sholáthróirí seachtracha mar thomhaltóir deiridh***** i dtréimhse idir an 1 Feabhra 2022 agus an 31 Nollaig 2022 ar a dhéanaí ('tréimhse incháilithe') agus méadú ar an bpraghas a íocann an tairbhí in aghaidh an aonaid a thomhlaítear (arna thomhas in EUR/MWh, mar shampla), méadú nach mór a ríomh mar an difríocht idir an praghas aonaid a íocann an tairbhí i mí áirithe le linn na tréimhse incháilithe agus dhá oiread (200 %) an phraghais aonaid a d'íoc an tairbhí ar an meán le linn na tréimhse thagartha ón 1 Eanáir 2021 go dtí an 31 Nollaig 2021*****. Ón 1 Meán Fómhair 2022 ar aghaidh, níor cheart cainníocht an gháis nádúrtha agus an leictreachais a úsáidtear chun na costais incháilithe a ríomh a bheith os cionn 70 % de thomhaltas an tairbhí sa tréimhse chéanna in 2021;
- f. Níl rachaidh an chabhair fhoriomlán in aghaidh an tairbhí os cionn 30 % de na costais incháilithe;
- g. Ní rachaidh an chabhair fhoriomlán in aghaidh an ghnóthais os cionn EUR 2 mhilliún ag tráth ar bith;
- h. Féadfaidh an t-údarás deonúcháin réamhíocaíocht a dhéanamh leis an tairbhí i gcás ina ndeonaítear an chabhair sula dtabhaítear na costais incháilithe. Agus é sin á dhéanamh aige, féadfaidh an t-údarás deonúcháin brath ar mheastacháin ar an gcostas incháilithe ar choinníoll go n-urramaítear na huasteorainneacha cabhrach i bpointe 52(f) agus (g). Ceanglaítear ar an údarás deonúcháin na huasteorainneacha ábhartha a fhíorú *ex post* ar bhonn an chostais iarbhir arna thabhu agus aisghlámadh a dhéanamh ar aon chabhair a sháraíonn na huasteorainneacha sin tráth nach déanaí ná 6 mhí tar éis dheireadh na tréimhse incháilithe;
- i. Féadfar cabhair a dheonaítear faoin bpointe 52 seo a charnadh le cabhair a dheonaítear faoi roinn 2.1, ar choinníoll nach dtéann an méid iomlán thar EUR 2 mhilliún.

*De mhaolú, nuair nach ndéanfaítear an chabhair ach tar éis fíorú ex post ar dhoiciméadacht tacaíochta an tairbhí agus nuair a chinneann na Ballstáit gan an fhéidearthacht a chur san áireamh réamhíocaíochtaí a dheonú i gcomhréir le pointe 52(h), féadfar cabhair a dheonú go dtí an 31 Márta 2023 ar choinníoll go n-urramófaí an tréimhse incháilithe mar a shainítear i bpointe 52(e).

**Má dheonfaítear an chabhair i bhfoirm buntáiste cánach, ní mór gur tharla an dliteanas cánach ar deonaíodh an buntáiste sin ina leith tráth nach déanaí ná an 31 Nollaig 2022.

***Nuair a dheonfaítear cabhair i bhfoirm ráthaíochtaí faoin roinn seo, beidh feidhm ag na coinníollacha breise i bpointe 47(h).

****Nuair a dheonfaítear cabhair i bhfoirm iasachtaí faoin roinn seo, beidh feidhm ag na coinníollacha breise i bpointe 50(g).

*****Chun críocha roinn 2.4 amháin, ciallaíonn ‘tairbhí’ gnóthas nó eintiteas dlítheanach ar cuid de ghnóthas é.

*****Mar atá léirithe ag an tairbhí e.g. bunaithe ar an mbille féin. Ní áireofar ach an tomhaltas deiridh; eisiatar díolacháin agus táirgeadh dílis.

***** $(p(t) - p(\text{ref}) * 2) * q(t)$, i gcás ina seasann p don phraghas aonaid, q don chainníocht a thomhlaítear, ref don tréimhse thagartha ón 1 Eanáir 2021 go dtí an 31 Nollaig 2021 agus t don mhí áirithe le linn na tréimhse ón 1 Feabhra go dtí an 31 Nollaig 2022.’

31. Cuirtear an méid seo a leanas in ionad Phointe 53:

‘53. I gcásanna áirithe d’fhéadfadh sé go mbeadh gá le tuilleadh cabhrach chun a áirithiú go leanfaí de ghníomhaíocht eacnamaíoch. Chuige sin, féadfaidh na Ballstáit cabhair a dheonú a sháraíonn na luachanna a ríomhadh de bhun phointe 52(f) agus (g), i gcás ina gcomhlíontar na coinníollacha seo a leanas, chomh maith leis na coinníollacha i bpointí 52(a) go (e) agus (h):

- a. Tá an tairbhí incháilithe más ‘gnó dianfhuinnimh’ é de réir bhrí an chéad chóir d’Airteagal 17(1)(a) de Threoir 2003/96/CE*, *i.e.* nuair is ionann ceannacháin táirgí fuinnimh (lena n-áirítear táirgí fuinnimh seachas gás nádúrtha agus leictreachas) agus 3,0 % ar a laghad den luach táirgthe*; ar bhonn bonn cirt iomchuí a dhéanfaidh an Ballstát a sholáthar don Choimisiún chun go ndéanfar measúnú air, féadfar láimhdeachas a chur in ionad an luacha táirgthe;
- b. Tá an tairbhí incháilithe má thabhaíonn sé caillteanais oibriúcháin***, agus an méadú ar an gcostas incháilithe mar a shainmhínítear i bpointe 52(e), ní mór gurb ionann é agus 50 % ar a laghad den chaillteanas oibriúcháin sa tréimhse chéanna;
- c. Ní sháraíonn an chabhair fhoriomlán 50 % de na costais incháilithe agus nach mó í ná 80 % de chaillteanais oibriúcháin an tairbhí;
- d. Ní sháraíonn an chabhair fhoriomlán EUR 25 mhilliún in aghaidh an ghnóthais ag tráth ar bith;
- e. I gcás tairbhí dianfhuinnimh atá gníomhach in earnáil nó fo-earnáil amháin nó níos mó a liostaítear in Iarscríbhinn I****, féadfar an chabhair fhoriomlán a mhéadú go huasmhéid 70 % de na costais incháilithe agus d’fhéadfadh sé gurb é 80 % ar a mhéad de na caillteanais oibriúcháin arna dtabhú ag an tairbhí a

bheadh i gceist. Ní fhéadfaidh an chabhair fhoriomlán a bheith níos mó ná EUR 50 mhilliún in aghaidh an ghnóthais ag tráth ar bith;

- f. Féadfar cabhair faoi phointe 53 a chnardh le cabhair faoi roinn 2.1, ar choinníoll nach sárófar na huasteorainneacha atá sonraithe faoi phointí 53(d) nó 53(e), cibé acu is infheidhme.

*Treoir 2003/96/CE ón gComhairle an 27 Deireadh Fómhair 2003 lena ndéantar athstruchtúráil ar an gcreat Comhphobail le haghaidh cáin a ghearradh ar tháirgí fuinnimh agus ar leictreachas, IO L 283, 31.10.2003, lch. 51.

** Bunaithe ar thuarascálacha cuntasafóchta airgeadais le haghaidh na bliana féilire 2021 nó ar na cuntais bhliantúla is déanaí atá ar fáil.

*** Meastar go bhfuil caillteanais oibriúcháin ag an ngnóthas nuair is diúltach atá EBITDA (tuilleamh roimh ús, cánacha, dímeas, agus amúchadh, cé is moite de laguithe aonuaire) le haghaidh na tréimhe incháilithe. Ba cheart don tairbhí na caillteanais oibriúcháin sin a léiriú ar bhonn míosúil nó ráithiúil, mura mbeidh údar cuí lena mhalairt.

****Measfar tairbhí a bheith gníomhach in earnáil nó fo-earnáil a liostaítear in Iarscríbhinn I de réir aicmiú an tairbhí sna cuntais earnálacha náisiúnta nó má ghin ceann amháin nó níos mó de na gníomhaíochtaí a dhéanann sé agus a áirítear in Iarscríbhinn I breis agus 50 % dá láimhdeachas nó dá luach táirgthe le linn na tréimhe tagartha.'

32. Cuirtear an roinn seo a leanas isteach:

‘2.5. Cúnamh chun dlús a chur le leathadh amach fuinnimh in-athnuaite, stórála agus teasa in-athnuaite atá ábhartha le haghaidh REPowerEU

53bis. Lasmuigh de na féidearthachtaí atá ann cheana atá ar fáil i gcomhréir le hAirteagal 107(3)(c) CFAE, i gcomhthéacs an fhogha mhíleata atá á thabhairt ag an Rúis faoin Úcráin agus an Phlean REPowerEU*, tá sé fíor-riachtanach dlús a chur le hinfhaighteacht fuinnimh in-athnuaite, agus a infhaighteacht a leathnú, ar bhealach costéifeachtach d’fhonn an spleáchas ar allmhairiúcháin de bhreoslaí iontaise de chuid na Rúise a laghdú go tapa agus dlús a chur leis an aistriú fuinnimh. Tá Státchabhair chun dlús a chur le húsáid toillte grianfhuinnimh, toillte cumhachta gaoithe, toillte fuinnimh gheoiteirmigh, stórála leictreachais agus teirmeastórála, teasa in-athnuaite agus le táirgeadh hidrigine in-athnuaite agus bithgháis agus bithmheatáin ó dhramhaíl agus iarmhair ina cuid de réiteach iomchuí, riachtanach, spriocdhírthe chun an spleáchas ar bhreoslaí iontaise allmhairithe a laghdú sa chomhthéacs reatha. I bhfianaise an ghéarghá le cur chun feidhme pras tionscadal a chuireann dlús le leathadh amach fuinnimh in-athnuaite, stórála agus teasa in-athnuaite a áirithiú, tá údar cuí ar bhonn sealadach le simplithe áirithe chun bearta tacaíochta a chur chun feidhme.

* COM/2022/230 final, 18.5.2022.

53ter. Cabhair chun leictreachas ó fhoinsí in-athnuaite, hidrigin in-athnuaite, bithghás agus bithmheatán ó dhramhaíl agus iarmhair, stóráil leictreachais agus teirmeastóráil agus teas in-athnuaite a chur chun cinn, measfaidh an Coimisiún an chabhair sin a bheith comhoiriúnach leis an margadh inmheánach ar bhonn Airteagal 107(3)(c) CFAE ar choinníoll go gcomhlíonfar na coinníollacha seo a leanas:

- a. deonaítear an chabhair le haghaidh ceann amháin de na rudaí seo a leanas:

- (i) giniúint grianfhuinnimh fhótavoltaigh nó grianfhuinnimh eile;
 - (ii) giniúint leictreachais cumhachta gaoithe;
 - (iii) giniúint fuinnimh gheoiteirmigh;
 - (iv) stóráil leictreachais nó teirmeastóráil;
 - (v) táirgeadh teasa in-athnuaite, lena n-áirítear trí teaschaidéil a chomhlíonann Iarscríbhinn VII a ghabhann le Treoir (AE) 2018/2001 ó Pharlaimint na hEorpa agus ón gComhairle*;
 - (vi) táirgeadh hidrigine in-athnuaite;
 - (vii) táirgeadh bithgháis agus bithmheatáin ó dhramhaíl agus iarmhair, i gcomhréir le critéir inbhuanaitheachta an Aontais de bhun Airteagal 29 de Threoir (AE) 2018/2001 agus Rialachán (AE) 2018/841**;
- b. féadfaidh scéimeanna tacaíochtaí a theorannú go teicneolaíocht amháin nó go roinnt teicneolaíochtaí faoi phointe (a) ach níor cheart aon teorannú nó idirdhealú saorga a bheith mar chuid díobh (lena n-áirítear i ndeonú ceadúnas, ceadanna nó lamháltas nuair a bhíonn gá leo) amhail teorannuithe de réir mhéid na dtionscadal, an tsuímh nó gnéithe réigiúnacha nó cineálacha (nó fochineálacha) an-sonracha teicneolaíochtaí laistigh de cheann de na teicneolaíochtaí dá dtagraítear i bpointe (a);
- c. deonaítear an chabhair i bhfoirm deontais dhíreacha, airleacain inaisíochta, iasachtaí, ráthaíochtaí nó buntáistí cánach;
- d. deonaítear an chabhair ar bhonn scéim a bhfuil méid agus buiséad measta aici;
- e. deonaítear an chabhair faoin 30 Meitheamh 2023 ar a dhéanaí agus ní mór na suiteálacha a bheith curtha i gcrích agus ag feidhmiú laistigh de 24 mhí tar éis dháta a deonaithe nó 30 mí tar éis dháta deonaithe na cabhrach le haghaidh suiteálacha gaoithe ón talamh agus hidrigine in-athnuaite. I gcás nach mbaintear an sprioc-am sin amach, ní mór 5 % de mhéid na cabhrach a deonaíodh a aisíoc in aghaidh na míosa, nó méid na cabhrach a laghdú faoi 5 % in aghaidh na míosa, tar éis na chéad 3 mhí de mhoill, méid a ardóidh go 10 % in aghaidh na míosa moille tar éis an séú mí, seachas más tosca nach bhfuil neart ag tairbhí na cabhrach orthu is cúis leis an moill, agus mura bhféadfaí í a thuar go réasúnta***;
- f. i gcás ina ndeonaítear an chabhair i bhfoirm conarthaí le haghaidh íocaíochtaí cabhrach leanúnacha, níor cheart fad níos faide a bheith ag gabháil leis na conarthaí sin ná 15 mbliana tar éis go dtosóidh an suiteáil a fuair an chabhair ag feidhmiú;
- g. deonaítear an chabhair trí phróiseas tairisceana iomaíoch atá oscailte, soiléir, trédhearcach agus neamh-idirdhealaitheach, bunaithe ar chritéir oibiachtúla a shainítear *ex ante* agus a íoslaghdaíonn riosca na tairisceana straitéisí. Sna critéir roghnúcháin iomlána a úsáidtear chun tairiscintí a rangú, ní mór 70 % ar a laghad a shainiú i dtéarmaí cabhair in aghaidh an aonaid cosanta comhshaoil**** nó cabhair in aghaidh an aonaid fuinnimh;

- h. níl próiseas tairisceana iomaíoch sainordaitheach nuair a dheonaítear cabhair i bhfoirm buntáistí cánach, a mhéid a dheonaítear í ar an mbealach céanna do na ghnóthais incháilithe uile a oibríonn san earnáil gníomhaíochta eacnamaíche chéanna atá sa staid fhíorasach chéanna nó i staid fhíorasach atá cosúil le chéile i leith aidhmeanna nó cuspóirí an bhirt chabhraigh. Thairis sin, níl próiseas tairisceana iomaíoch sainordaitheach nuair nach sáraíonn an chabhair a dheonaítear in aghaidh an ghnóthais in aghaidh an tionscadail EUR 20 milliún agus nuair is tionscadail bheaga a shainítear mar a leanas iad tairbhíthe na cabhrach:
- (i) le haghaidh giniúint leictreachais, stóráil leictreachais nó teirmeastórála – tionscadail faoi bhun nó cothrom le 1 MW toilleadh suiteáilte;
 - (ii) le haghaidh giniúint teasa agus teicneolaíochtaí táirgthe gáis – tionscadail faoi bhun nó cothrom le 1 MW toilleadh suiteáilte nó a choibhéis;
 - (iii) le haghaidh giniúint hidrigine in-athnuaite – tionscadail faoi bhun nó cothrom le 3 MW toilleadh suiteáilte nó a choibhéis;
 - (iv) le haghaidh táirgeadh bithgháis agus bithmheatáin ó dhramhaíl agus iarmhair – tionscadail faoi bhun nó cothrom le 25 000 tona/bliain toilleadh suiteáilte;
 - (v) le haghaidh tionscadail atá 100 % faoi úinéireacht ag FBM nó ag pobail fuinnimh in-athnuaite – tionscadail faoi bhun nó cothrom le 6 MW toilleadh suiteáilte;
 - (vi) le haghaidh tionscadail atá 100 % faoi úinéireacht ag fiontair bheaga agus micrifhiontair nó ag pobail fuinnimh in-athnuaite le haghaidh giniúint cumhachta gaoithe amháin – tionscadail faoi bhun nó cothrom le 18 MW toilleadh suiteáilte.

I gcás nach ndéonaítear cabhair le haghaidh tionscadail bheaga i bpróiseas tairisceana iomaíoch, ní sháirídh an déine cabhrach 45 % den chostas infheistíochta iomlán. Féadfar an déine cabhrach a mhéadú suas le 20 pointe céatadáin i leith cabhair arna deonú do ghnóthais bheaga agus suas le 10 bpointe céatadáin i leith cabhair arna deonú do ghnóthais mheánmhéide.

- i. ní mór méideanna na hacmhainneachta nó na táirgeachta a lorgaítear tairiscintí ina leith a shocrú chun a áirithiú go mbeidh an próiseas tairisceana iomaíoch go héifeachtach. Ní mór don Bhallstát cruthúnas a thabhairt faoin inchreidteacht go dtiocfaidh an méid a lorgaítear tairiscintí ina leith le tairiscint féideartha na dtionscadal. Féadfaidh sin a dhéanamh le tagairt do cheantanna roimhe seo, do spriocanna teicneolaíochta sa Phlean Náisiúnta Fuinnimh agus Aeráide*****, nó trí shásra coimirce a thabhairt isteach i gcás an riosca de phróiseas tairisceana gann-suibscríofa. I gcás próisis tairisceana iomaíocha a bhíonn gann-suibscríofa arís agus arís eile, ní mór don Bhallstát leigheasanna a thabhairt isteach le haghaidh aon scéim amach anseo a chuireann sé in iúl don Choimisiún maidir leis an teicneolaíocht chéanna;
- j. ní mór an chabhair a dhearadh chun dreasachtaí oibriúcháin éifeachtúla agus comharthaí praghaís a chaomhnú. Thairis sin, ní mór an chabhair a dhearadh ar bhealach lena bhféadfar aghaidh a thabhairt ar bhrabúis amhantais, lena

n-áirítear le linn praghsanna leictreachais nó gáis an-arda, amhail trí mheicníocht aisghlámtha arna sainmhíniú *ex ante* a chur i bhfeidhm nó tríd an gcabhair a dheonú i bhfoirm conarthaí dhá threo le haghaidh difríochtaí*****;

- k. i gcás ina ndeonaítear an chabhair le haghaidh táirgeadh hidrigine in-athnuaite, ní mór don Bhallstát a áirithiú go dtáirgtear an hidrigin ó fhoinsí fuinnimh in-athnuaite i gcomhréir leis na modheolaíochtaí a leagtar amach le haghaidh breoslaí in-athnuaite iompair leachtacha agus gásacha de thionscnamh neamh-bhitheolaíoch i Treoir (AE) 2018/2001;
- l. níor cheart cabhair faoin mbeart seo a chomhcheangal le cabhair eile le haghaidh na gcostas incháilithe céanna;
- m. féadfar cabhair a dheonú le haghaidh infheistíochtaí ar tosaíodh oibreacha ina leith ón 20 Iúil 2022 ar aghaidh; i gcás tionscadal a tosaíodh roimh an 20 Iúil 2022, féadfar cabhair a dheonú más gá chun dlús suntasach a chur leis an infheistíocht nó chun a raon feidhme a leathnú. Sna cásanna sin, ní bheidh ach na costais bhreise i ndáil leis na n-iarrachtaí dlúis nó leis an raon feidhme leathnaithe incháilithe do chabhair;
- n. ní mór don chabhair an tairbhí a spreagadh chun tabhairt faoi infheistíocht, infheistíocht nach ndéanadh sé, nó a dhéanadh sé ar bhealach srianta nó ar bhealach eile, gan an chabhair. Measann an Coimisiún, i bhfianaise na ndúshlán eacnamaíoch eisceachtúil atá roimh ghnóthais mar gheall ar an ngéarchéim atá ann faoi láthair, gurb amhlaidh atá de ghnáth go leanfadh tairbhíthe dá ngníomhaíochtaí gan athruithe in éagmais na cabhrach, ar choinníoll nach sárú ar dhlí an Aontais a bheadh i gceist le leanúint dá ngníomhaíochta gan athruithe;
- o. ní mór do na Ballstáit a áirithiú go gcomhlíonfaí an prionsabal ‘gan dochar suntasach a dhéanamh’.

*Treoir (AE) 2018/2001 ó Pharlaimint na hEorpa agus ón gComhairle an 11 Nollaig 2018 maidir le húsáid fuinnimh ó fhoinsí in-athnuaite a chur chun cinn (IO L 328, 21.12.2018, lch. 82).

**Rialachán (AE) 2018/841 ó Pharlaimint na hEorpa agus ón gComhairle an 30 Bealtaine 2018 maidir le hastaíochtaí agus aistrithe gás ceaptha teasa ó úsáid talún, athrú ar úsáid talún agus foraoiseacht a chur san áireamh i gcreat 2030 don aeráid agus don fhuinneamh, agus lena leasaítear Rialachán (AE) Uimh. 525/2013 agus Cinneadh Uimh. 529/2013/AE (IO L 156, 19.6.2018, lch. 1).

***Féadfar a áireamh ar na tosca sin, mar shampla, dianghlasáil shainordaitheach daoine de dheasca paindéime, nó suaití domhanda ar shlabhra soláthair an trealaimh is gá le haghaidh na dtionscadal. Ní áireofar orthu, áfach, moilleanna ar na ceadanna is gá le haghaidh an tionscadail a fháil.

***Amhail EUR in aghaidh an tona de laghdú CO₂.

*****Rialachán (AE) 2018/1999 ó Pharlaimint na hEorpa agus ón gComhairle an 11 Nollaig 2018 maidir le Rialachas an Aontais Fuinnimh agus na Gníomhaíochta Aeráide, lena leasaítear Rialachán (CE) Uimh. 663/2009 agus Rialachán (CE) Uimh. 715/2009 ó Pharlaimint na hEorpa agus ón gComhairle, Treoir 94/22/CE, Treoir 98/70/CE, Treoir 2009/31/CE, Treoir 2009/73/CE, Treoir 2010/31/AE, Treoir 2012/27/AE, agus Treoir 2013/30/AE ó Pharlaimint na hEorpa agus ón gComhairle, Treoir 2009/119/CE agus Treoir (AE) 2015/652 ón gComhairle agus lena n-aisghairtear Rialachán (AE) Uimh. 525/2013 ó Pharlaimint na hEorpa agus ón gComhairle (IO L 328, 21.12.2018, lch. 1).

*****Le Conradh le haghaidh difríocht tá an tairbhí i dteideal fócaíocht comhionann leis an difear idir praghas ‘ceangail’ agus praghas tagartha seasta – amhail praghas margaidh, in aghaidh an aonaid aschuir. Féadfaidh a bheith i gceist le conarthaí le haghaidh difríochta freisin aisíocaíochtaí ó thairbhí le cáiníocóirí nó le tomhaltóirí le haghaidh tréimhsí inar mó an praghas tagartha ná an praghas ceangail.

33. Cuirtear an roinn seo a leanas isteach:

‘2.6 Cabhair le haghaidh próisis táirgthe thionsclaíocha a dhícharbónú trí leictriúchán agus/nó úsáid hidrigine in-athnuaite agus hidrigine leictrealaíche a chomhlíonann coinníollacha áirithe agus le haghaidh bearta éifeachtúlachta fuinnimh

53^{quater} Lasmuigh de na féidearthachtaí atá ann cheana atá ar fáil i gcomhréir le hAirteagal 107(3)(c) CFAE, tá Státchabhair chun infheistíochtaí i ndícharbónú gníomhaíochtaí tionsclaíochta, go háirithe trí leictriúchán agus teicneolaíocht a úsáideann hidrigin in-athnuaite agus hidrigin leictrealaíoch a chomhlíonann choinníollacha phointe 53^{quinqies} (h), agus i mbearta éifeachtúlachta fuinnimh in earnáil na tionsclaíochta a éascú ina cuid de réiteach iomchuí, riachtanach, spriocdhíríte chun an spleáchas ar bhreoslaí iontaise allmhairithe a laghdú i gcomhthéacs an fhogha mhíleata atá á thabhairt ag an Rúis faoin Úcráin. I bhfianaise an ghéarghá le dlús a chur leis an bpróiseas le haghaidh cur chun feidhme pras na n-infheistíochtaí sin, tá údar cuí le simplithe áirithe.

53^{quinqies} Cabhair le haghaidh infheistíochta a bheidh ina chúis le (i) laghdú substaintiúil ar astaíochtaí gás ceaptha teasa ó ghníomhaíochtaí tionsclaíochta a bhraitheann ar bhreoslaí iontaise faoi láthair mar fhoinsé fuinnimh nó mar amhábhair, nó (ii) laghdú substaintiúil ar thomhaltas fuinnimh i ngníomhaíochtaí agus próisis tionsclaíochta, measfaidh an Coimisiún an chabhair sin a bheith comhoiriúnach leis an margadh inmheánach ar bhonn Airteagal 107(3)(c) CFAE ar choinníoll go gcomhlíonfar na coinníollacha seo a leanas:

- a. deonaítear an chabhair ar bhonn scéim a bhfuil buiséad measta aici;
- b. i bprionsabal, níor cheart an t-uasmhéid cabhrach aonair is féidir a dheonú in aghaidh an ghnóthais a bheith níos mó ná 10 % den bhuiséad iomlán atá ar fáil le haghaidh scéime don sórt sin. Agus údar iomchuí á sholáthar ag an mBallstát don Choimisiún, féadfaidh an Coimisiún glacadh le scéimeanna lena ndéantar foráil maidir le méideanna cabhrach aonair a dheonú atá níos mó ná 10 % den bhuiséad iomlán atá ar fáil don scéim;
- c. deonaítear an chabhair i bhfoirm deontais dhíreacha, airleacain inaisíochta, iasachtaí, ráthaíochtaí nó buntáistí cánach;
- d. ní mór don infheistíocht é a chur ar a chumas don tairbhí ceann amháin nó an dá cheann de na rudaí seo a leanas a dhéanamh:
 - (i) astaíochtaí gás ceaptha teasa díreacha óna shuiteáil tionsclaíochta a bhraitheann ar bhreoslaí iontaise faoi láthair mar fhoinsé fuinnimh nó mar amhábhair a laghdú faoi 40 % ar a laghad i gcomparáid leis an staid roimh an gcabhair, trí bhíthin leictriúchán na bpróiseas táirgthe, nó trí úsáid hidrigine in-athnuaite agus hidrigine leictrealaíche a chomhlíonann choinníollacha phointe (h) thíos chun ionadaíocht a dhéanamh ar bhreoslaí

iontaise; chun an laghdú ar astaíochtaí gás ceaptha teasa a fhíorú, tá astaíochtaí iarbhir ó dhóchán bithmhaise le cur san áireamh; *

- (ii) an tomhaltas fuinnimh i suiteálacha tionsclaíochta i ndáil leis na gníomhaíochtaí dá dtugtar cabhair a laghdú faoi 20 % ar a laghad i gcomparáid leis an staid roimh an gcabhair;**
- e. maidir le hinfheistíochtaí a bhaineann le gníomhaíochtaí a chumhdaítear faoin gCóras Trádála Astaíochta (CTA), is é toradh na cabhrach go laghdaítear astaíochtaí gás ceaptha teasa shuiteáil an tairbhí faoi bhun na dtagarmharcanna ábhartha le haghaidh leithdháileadh saor in aisce a leagtar amach i Rialachán Cur Chun Feidhme (AE) 2021/447 ón gCoimisiún***;
- f. níor cheart an chabhair a úsáid chun méadú ar acmhainneacht táirgeachta foriomlán an tairbhí a mhaoiniú;
- g. i gcás ina ndeonófar an chabhair le haghaidh infheistíocht dícharbónúcháin tionsclaíochta a bhaineann le húsáid hidrigine in-athnuaite, ní mór don Bhallstát a áirithiú go dtairgfear an hidrigin a úsáidfear ó fhoinsí fuinnimh in-athnuaite i gcomhréir leis na modheolaíochtaí a leagtar amach le haghaidh breoslaí in-athnuaite iompair leachtacha agus gásacha de thionscnamh neamh-bhitheolaíoch i Treoir (AE) 2018/2001;
- h. féadfar cabhair a dheonú freisin le haghaidh infheistíocht dícharbónúcháin tionsclaíochta a bhaineann le húsáid hidrigine a tháirgtear ó leictreachas i gceann amháin de na cásanna seo a leanas:
 - (i) ní tháirgtear an hidrigin ach le linn uaireanta nuair is gléasra giniúna leictreachais saor ó fhoinsí iontaise é an t-aonad giniúna imeallach sa chrios tairisceana ina bhfuil an leictreoir lonnaithe sna tréimhsí socraíochta éagothroime a n-ídítear an leictreachas lena linn. Hidrigin a tháirgtear linn uaireanta nuair is gléasra giniúna leictreachais in-athnuaite é an t-aonad giniúna imeallach sa chrios tairisceana ina bhfuil an leictreoir lonnaithe sna tréimhsí socraíochta éagothroime a n-ídítear an leictreachas lena linn, ní féidir í a áireamh den dara uair faoin roinn seo.
 - (ii) de rogha air sin, táirgtear hidrigin ó leictreachas a thógtar ón eangach agus táirgeann an leictreoir hidrigin ar feadh líon uaireanta lánlóid atá cothrom le líon na n-uaireanta arb iad suiteálacha a tháirgeann leictreachas saor ó fhoinsí iontaise, seachas leictreachas in-athnuaite, a shocraigh praghas imeallach an leictreachais sa chrios tairisceana, nó ar feadh líon uaireanta lánlóid atá níos lú ná an líon sin;
 - (iii) de rogha air sin, ní mór don Bhallstát a áirithiú go mbainfidh an hidrigin leictreolaíoch a úsáidfear coigiltis ghás ceaptha teasa saolré 70 % ar a laghad amach i gcoibhneas le táirge comparáide breoslaí iontaise de 94 g CO₂eq/MJ (2,256 tCO₂eq/tH₂) agus go dtiocfaidh sé ó fhoinsí saor ó iontaise. I gcomhréir le cuspóirí REPowerEU, níor cheart a bheith mar thoradh ar an modh a úsáidtear chun na hastaíochtaí gáis ceaptha teasa a leithdháiltear ar an leictreachas a ríomh tomhaltas méadaithe breosla iontaise. Chun críoch na ranna seo, ní féidir a úsáid ach an sciar den hidrigin arna táirgeadh a chomhfhreagraíonn do mheánsciar an leictreachais

ó ghléasraí giniúna leictreachais saor ó fhoinsí iontaise, seachas gléasraí giniúna leictreachais in-athnuaite, sa tír táirgthe, arna thomhas 2 bhliain roimh an mbliain atá i gceist.

- i. deonófar an chabhair faoin 30 Meitheamh 2023 agus beidh sé faoi réir an choinníll go mbeidh an suiteáil nó an trealamh a bheidh le maoiniú ag an infheistíocht curtha i gcrích agus ag feidhmiú ina iomláine laistigh de 24 mhí tar éis dháta a deonaithe nó laistigh de 30 mí tar éis dháta deonaithe na cabhrach le haghaidh infheistíochtaí a bhaineann le húsáid hidrigine in-athnuaite agus hidrigine a chomhlíonann choinníollacha phointe (h). I gcás nach mbainfear an sprioc-am amach maidir le cur i gcrích agus tús an fheidhmithe, ní mór 5 % de mhéid na cabhrach a deonaíodh a aisíoc, nó méid na cabhrach a laghdú faoi 5 %, in aghaidh na míosa, tar éis na chéad 3 mhí de mhoill, méid a ardóidh go 10 % in aghaidh na míosa moille tar éis an séú mí, seachas más tosca nach bhfuil neart ag tairbhí na cabhrach orthu is cúis leis an moill, agus mura bhféadfaí í a thuar go réasúnta****. I gcás ina mbainfear an sprioc-am amach maidir le cur i gcrích agus tús an fheidhmithe, féadfar cabhair i bhfoirm airleacain inaisíoctha a aistriú ina deontais; mura mbainfear, tá an t-airleacan inaisíoctha le haisíoc i dtráthchodanna bliantúla comhionanna laistigh de 5 bliana tar éis dháta deonaithe na cabhrach;
- j. féadfar cabhair a dheonú le haghaidh infheistíochtaí ar tosaíodh oibreacha ina leith ón 20 Iúil 2022 ar aghaidh; i gcás tionscadal a tosaíodh roimh an 20 Iúil 2022, féadfar cabhair a dheonú más gá chun dlús suntasach a chur leis an infheistíocht nó chun a raon feidhme a leathnú. Sna cásanna sin, ní bheidh ach na costais bhreise i ndáil leis na n-iarrachtaí dlúis nó leis an raon feidhme leathnaithe incháilithe do chabhair;
- k. níor cheart an chabhair a dheonú as caighdeáin is infheidhme de chuid an Aontais a chomhlíonadh amháin*****;
- l. ní mór don chabhair an tairbhí a spreagadh chun tabhairt faoi infheistíocht, infheistíocht nach ndéanadh sé, nó a dhéanadh sé ar bhealach srianta nó ar bhealach eile, gan an chabhair. Measann an Coimisiún, i bhfianaise na ndúshlán eacnamaíoch eisceachtúil atá roimh ghnóthais mar gheall ar an ngéarchéim atá ann faoi láthair, gurb amhlaidh atá de ghnáth go leanfadh tairbhíthe dá ngníomhaíochtaí gan athruithe in éagmais na cabhrach, ar choinníoll nach sárú ar dhlí an Aontais a bheadh i gceist le leanúint dá ngníomhaíochta gan athruithe;
- m. is iad na costais incháilithe an difear idir costais an tionscadail dá dtugtar cabhair agus an coigilteas costais nó na hioncaim bhreise, i gcomparáid leis an staid in éagmais na cabhrach, thar shaolré na hinfeistíochta;
- n. níor cheart an déine cabhrach a bheith os cionn 40 % de na costais incháilithe. Féadfar an déine cabhrach a mhéadú suas le 10 pointe céatadán i leith cabhair arna deonú do ghnóthais mheánmhéide agus suas le 20 bpointe céatadán i leith cabhair arna deonú do ghnóthais bheaga. Féadfar an déine cabhrach a mhéadú suas le 15 phointe céatadán freisin i leith infheistíochtaí lena mbainfear amach laghdú 55 % ar a laghad ar astaíochtaí gás ceaptha teasa díreacha nó laghdú 25 % ar a laghad ar thomhaltas fuinnimh i gcomparáid leis an staid roimh an infheistíocht*****;

- o. mar mhalairt ar na ceanglais a leagtar amach i bpointí (m) agus (n), féadfar an chabhair infheistíochta a dheonú trí phróiseas tairisceana iomaíoch atá oscailte, soiléir, trédhearcach agus neamh-idirdhealaitheach, bunaithe ar chritéir oibiachtúla a shainítear ex ante agus a íoslaghdaíonn riosca na tairisceana straitéisí. Sna critéir roghnúcháin iomlána a úsáidtear chun tairiscintí a rangú, ní mór 70 % ar a laghad a shainiú i dtéarmaí cabhair in aghaidh an aonaid cosanta comhshaoil (amhail EUR in aghaidh an tona de laghdú CO₂, nó EUR in aghaidh an aonaid fuinnimh arna choigilt). Ní mór gur srian ceangailteach a bheidh sa bhuiséad a bhaineann leis an bpróiseas tairisceana sa dóigh gur féidir coinne a bheith leis nach bhfaighidh na tairgeoirí uile cabhair;
- p. ní mór an scéim a dhearadh ar bhealach lena bhféadfar aghaidh a thabhairt ar bhrabúis amhantais, lena n-áirítear le linn praghsanna leictreachais nó gáis nádúrtha an-arda, trí mheicníocht aisghlámtha arna sainmhíniú *ex ante* a chur i bhfeidhm;
- q. níor cheart cabhair faoin roinn seo a chomhcheangal le cabhair eile le haghaidh na gcostas incháilithe céanna.’

*Ní mór an laghdú ar astaíochtaí gás ceaptha teasa díreacha a thomhas faoi threoir meánastaíochtaí gás ceaptha teasa díreacha a tharla sna 5 bliana roimh an iarratas ar chabhair (meánastaíochtaí ar bhonn bliantúil).

**Ní mór an laghdú ar thomhaltas fuinnimh a thomhas faoi threoir tomhaltas fuinnimh a tharla sna 5 bliana roimh an iarratas ar chabhair (meántomhaltas ar bhonn bliantúil).

***Rialachán Cur Chun Feidhme (AE) 2021/447 ón gCoimisiún an 12 Márta 2021 lena gcinntear luachanna tagarmhairc athbhreithnithe le haghaidh lamháltais astaíochtaí a leithdháileadh saor in aisce don tréimhse ó 2021 go 2025 de bhun Airteagal 10a(2) de Threoir 2003/87/CE ó Pharlaimint na hEorpa agus ón gComhairle (IO L 87, 15.3.2021, lch. 29).

****Féadfar a áireamh ar na tosca sin, mar shampla, dianghlasáil shainordaitheach daoine de dheasca paindéime, nó suaití domhanda ar shlabhra soláthair an trealaimh is gá le haghaidh na dtionscadal. Ní áireofar orthu, áfach, moilleanna ar na ceadanna is gá le haghaidh an tionscadail a fháil.

*****Mar a shainítear i bpointe 19(89) den Teachtaireacht ón gCoimisiún — Treoirlínte maidir le Státchabhair le haghaidh na haeráide, chosaint an chomhshaoil agus an fhuinnimh 2022 (IO C 80, 18.2.2022, lch. 1).

*****Ní mór an laghdú ar astaíochtaí gás ceaptha teasa díreacha nó ar thomhaltas fuinnimh a thomhas faoi threoir meánastaíochtaí gás ceaptha teasa díreacha nó tomhaltas fuinnimh a tharla sna 5 bliana roimh an iarratas ar chabhair (meánastaíochtaí/meántomhaltas ar bhonn bliantúil).’